

Broj: 01-3591/26
Sarajevo, 07.09.2026. godine

Na osnovu člana 69. Zakona o visokom obrazovanju ("Službene novine Kantona Sarajevo", br. 36/22 i 28/25), člana 111. Statuta Univerziteta u Sarajevu (broj: 01-14-35-/23 od 26.07.2024. godine), Vijeće Univerziteta u Sarajevu - Elektrotehnički fakultet, na sjednici održanoj 07.09.2026. godine, donosi

ODLUKU

o uvjetima potrebnim za upis u prvu godinu drugog ciklusa studija

I

U skladu sa članom 3. Konkursa za upis studenata u prvu godinu studija na Univerzitetu u Sarajevu u akademskoj 2026/2027. godini, pravo učešća na Konkursu za upis u prvu godinu drugog ciklusa studija pod jednakim uvjetima imaju:

- državljeni Bosne i Hercegovine i strani državljani sa završenim odgovarajućim prvim ciklusom studija na akreditiranoj ustanovi u Bosni i Hercegovini koji se vrednuje sa najmanje 180 odnosno 240 (E)CTS studijskih bodova što u zbiru sa vrednovanjem drugog ciklusa studija iznosi najmanje 300 (E)CTS;
- pristup drugom ciklusu studija u trajanju od jedne i dvije godine imaju i studenti koji su u prethodnom obrazovanju završili (3+2) ili (4+1) studij, te u konačnici, nakon ranije okončanog prvog i drugog ciklusa imaju u zbiru minimalno 240(E)CTS;
- kandidati koji su završili studij po predbolonjskim nastavnim planovima i programima u Bosni i Hercegovini a za koje je nakon postupka ekvivalencije zvanja utvrđeno da ispunjavaju uvjete za upis na drugi ciklus studija, kao i
- kandidati koji su prvi ciklus odnosno predbolonjski studij završili izvan Bosne i Hercegovine na akreditiranim ustanovama, a za koje je nakon postupka priznavanja odnosno ekvivalencije/nostrifikacije utvrđeno da imaju završeno adekvatno obrazovanje za nastavak školovanja.

II

Kandidat koji je ispunio uvjete iz člana I ove Odluke, ima pravo upisa na sve programe drugog ciklusa studija na Univerzitet u Sarajevu – Elektrotehničkom fakultetu, bez obzira na oblast studijskog programa prvog ciklusa studija koji je završio.

III

Prijemni ispit na studijskom programu Sigurnost informacija sastoji se od 30 pitanja od kojih svako pitanje nosi jedan bod. Prijemni ispit je eliminatoran, i minimalan broj bodova za uspješno polaganje prijemnog ispita je osam (8).

IV

Odluka stupa na snagu danom donošenja.

Obrazloženje

Uzimajući u obzir dosadašnje iskustvo, Vijeću Univerziteta u Sarajevu - Elektrotehnički fakultet dostavljen je prijedlog odluke o uvjetima potrebnim za upis u prvu godinu drugog ciklusa studija uvažavajući odredbe Konkursa za upis u prvu godinu studija na Univerzitetu u Sarajevu u akademskoj 2026/2027. godini. Vijeće Univerziteta u Sarajevu - Elektrotehnički fakultet usvojilo je naprijed navedeni prijedlog, te je odlučeno kao u dispozitivu.

Akt obradila: Aida Sarajlić Ovičina

Akt kontrolisao i odobrio: prof.dr. Senad Huseinbegović

DEKAN

Prof.dr. Jasmin Velagić

Sekretar Univerziteta u Sarajevu - Elektrotehničkog fakulteta, potvrđuje, da je prijedlog Odluke u skladu sa zakonskim i podzakonskim propisima koji su na snazi, te da Vijeće Univerziteta u Sarajevu - Elektrotehničkog fakulteta nadležno za donošenje iste iste shodno članu 69. Zakona o visokom obrazovanju („Službene novine Kantona Sarajevo“, broj 36/22 i 28/25).

Dostaviti:

- Komisija za prijem i upis studenata (predsjednik)
- Komisija za provođenje prijemnog ispita (predsjednik)
3. Studentska služba
- Uz zapisnik